


# 經國雄畧



邊塞攷 一之三

漢書門類	九五八	七	一	二	冊架
------	-----	---	---	---	----

內閣文庫	九五八	二〇	二	三	冊架
------	-----	----	---	---	----

內閣文庫	
番號	漢 9558
冊數	20 ( 13 )
函號	299 252

十一



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



邊塞攷經國雄略卷之一

淺草文庫

清漳 鄭崑貞十師

南安伯鄭芝龍飛虹 仝鑒定

武榮 鄭鴻達羽公

溫陵 鄭大郁孟周 編訂

邊塞攷

夫謀臣之於事也。未然而畫之。則為之計。利害籌多寡。視遠視近。較彼較我。若大賈行貨。度三五之

數而等貴賤之利也。其畫定而舉也。不以譖奪。不以禍怵。迅往迅來。飄飄乎若驚鳥之搏也。若峽水下舟而放之疾也。故始無輕發。終鮮隙事。後至者弗可弗稽矣。我

太祖驅逐胡元。

成祖三犁虜庭。其初立宣府。大同。甘肅。遼東。太寧。寧夏。爲六鎮。其後益以薊州。榆林。固原。而九邊聯絡。城守特重焉。我

國家建都北平。東則薊州爲左輔。極之而至於遼東。西則宣府爲右肩。極之而至於大同。榆林。固原。寧夏。甘肅。北則以黃花鎮爲後門。極之而至於古北口。潮河川。此大略也。斥宮堡之疎密。斥堠之遠近。城塹之高深。陵谷之險易。道路之迂直。與河之內外。山之前後。境之東西。及虜所往來出入之衝。籌邊君子。可不觀形審勢。繪圖列象。使元戎甲士。揣其山川。與其要害。然後扼其吭而笞其背。斷其命

而制其臂乎。吾將略其緩而詳其急。俟當事者擇  
遼陽城未易議也。若守之于三岔河。慎之于山  
海關。則遼東可無慮也。太寧鎮未易復也。若屯田  
于黃花鎮。積石于潮河川。則薊州可無恙也。榆林  
寧夏。近于套虜。則脩補城墻。添設叅遊。彼此相爲  
應援。非常山蛇勢乎。甘肅固原。相爲唇齒。則脩嘉  
峪之關。置沿河之哨。西北相爲倡和。非兩輔夾車  
乎。至宣大所係。非他鎮可比。則尤不可不熟講也。

宣府山川糾結。去京師爲近。而軍士勇敢。則撫綏  
爲易。苟補浮屠峪之募兵。重挿箭嶺之防守。或者  
其守也猶易。若大同川原平行。虜無阻塞。而偏頭  
關逼近黃河。焦家坪寶虜渡口。虜絕出套。便涉其  
境。此九邊中之最難守者也。邇年以來。屢寇山西。  
必自大同入。侵犯紫荆。必自宣府入。事可徵也。雖  
然海西夷居宅田作。與中國同。射獵侵掠。與北虜  
同。况內附既久。則信義可責。其勦之也。則存撫情。

其撫之也。則寓勦威。是可嘗服也。惟東西之朶顏。黠詐不嘗。而其要害則潮河川為最。西北之套虜。肥饒易寇。而其要害則花馬池為最。昔王恭襄花當之績。馬端肅遼東之役。其謀審矣。然必識其機。而後用其謀。不然。百年之計。不可以旦夕效。而見在眉睫者。謂迂矣。獨觀之見。不可令眾庶測。而不得其指者。謂詭矣。是故國貴識識者。則用人不可不亟講矣。

九邊

今日九邊之所以多窳者。頑儒媒之也。積儒之所以難祛者。以振飾未寔也。蓋寔以振之。則兵無不精。餉無不裕。士聞敢戰之。雄將奮捐驅之志矣。此邊務之最宜亟講者。

國家建都燕京。三面臨虜。防邊大計。視古加詳。自東至西。綿亘萬里。曰遼東。曰薊鎮。曰宣府。曰大同。曰三關。曰榆林。曰固原。曰寧夏。曰甘肅。此九邊形勝大略也。每邊各設重兵。統以大將。副以偏裨。監以憲臣。鎮以開府。聯以總督。無事則畫地防守。有事則倚角為



九邊總圖



援地形兵力可謂備且周矣。但承平日久，舊制漸踰。太寧都司內徙，而左臂單寒。遼陽舊城外棄，而守望勞費開平移，而上谷之烽火益逼。東勝廢，而三關之設備愈嚴。今且不守偏頭而守靈武矣。河套任牧，鎮遠缺防，而朔方之形勢虧矣。

調入衛之兵以爲嘗，則踐更疲命，是自耗之術也。設擺邊之卒以爲固，則力分推諉，是自弱之道也。募南兵暫爲技擊之倡可矣。還當練土著爲久遠之需，築

墩臺，用壯阨塞之關可矣。還當繕城堡以爲清野之計。丁壯則困于脩築，隱于占役，而取數于荷戈矣。糧餉則尅于椿頭，苦于折支，而難望其宿飽矣。方今順治威嚴，虜酋效欵，外寧內安，此其一時矣。但貢市利歸酋長，而部落尙挾狼心。馬價暗賞，脂膏已竭。金繒日索，豺豕何厭。板升聚毒，慮有潰決之虞。土蠻垂涎，慮有糾合之舉。宋時初患西昊，竟苦金元。胡運盛衰，東西何嘗之有。未雨而懷桑土之謀，旣濟而謹衣袂。

之戒今日所當亟講而善圖焉。

羣書備考

今之患邊防者非其邊防之弛也。又非將無其人。兵有不足也。失在邊儲之不充。夫胡騎憑陵如風雨之至。我軍人馬當之。往往辟易。卽有城堡星散。四布各鎮所控制不下數千里。而屯卒不滿萬。又主帥往往挑以自衛。列卒而守。番休而更。大約數里而一人。然且老弱疲餒。不任干戈。以此而當強胡。猶驅羊而抗虎也。兵法曰。我專敵分。今虜率數十萬合爲一屯。

我以數千之衆。畫地而守。此其衆寡不敵。卽有倉卒。勢胡以支。今北邊之民。其飲食略與匈奴同。卒然有急。懸金召募。卽萬人可立具。然而領邊鎮者。特苦于無資。且不能用其衆。何敢議召募乎。破膽篇

胡虜逼處塞垣。以馬媾我。而歲竊厚賞以去。西款東寇。旦暮異形。憂孔棘矣。議者欲取太寧以厚肩背。復河套遼陽以續斷臂。捷羶裘而走之漠北。詎非壯圖。然兵法將戰。先料彼已。我將吏褴衣偷食。而虜復鳴



據其何能戰。因時救敝。自有長策。以愚意籌之。賞事當慎。而人當擇也。土著當練。而客兵當罷也。工役當省。而地險當脩也。足糧餉。當舉屯田。探虜情。當厚間諜。而禁債帥之戕剝。尤喫緊焉。中國良馬利兵。不足扼單于。使合獨市。賞一事。以賈生五餌之法。而制其要領。膺斯任者。威重所係。漢以中行召爨。宋以富弼寢兵。國家設四夷館。擇大臣子弟為譯字生。識熟夷語。俾主撫賞。及遇強胡。則與夜不收等耳。通而議。

細人無知。誘之需索。桃之忿競。而各路提調。卑微猥瑣。莫可誰何。擇慤謹者而使之。猾者斥不與。革提調而令各路叅將。駐邊關。主賞事。威望彈壓。虜必悛心。所謂任賞事而擇其人者。此也。武試劍光集

羗人所以易制者。以其種自有豪。數相攻擊。勢不一也。往三十餘歲。西羗反時。亦先解仇合約。漢書趙充國御虜之嘗道。來則懲而禦之。去則備而守之。其慕而貢獻。則接之如禮讓。羈縻不絕。班固

顯渠者前單于妻與右賢王通遂構難漢宣帝從望  
之議定其國以恩結之也。莫韃者單于官名尸逐者  
殺主自立爲南單于光武因而立之遂有南北兩單  
于以勢分之也。唐太宗與頡利盟于渭橋因薛延陀  
與頡利相攻而兩附之突厥遂亡是構而取之也。通

考

吳時來言每鎮軍六七萬闕營城寨三百餘處枝官  
百員零分隱占與無軍同故海弊於擺海邊壞於擺

邊宜合一鎮軍分將聚練忠肅言自永平山海至豬  
圈頭宜簡驍銳分四屯無事則守闕專訓練有警炤  
分地策應而以輕捷耐走知地里使藏伏者爲緩急  
使楊襄毅戚繼光皆言擺邊之非備多力寡止留墩  
哨守望而併力衝區此防險要以一兵力之策也王  
文成平虔盜罷遣狼兵專練衛所蓋鄉嚴則縣靖縣  
嚴則府靖推之天下皆然而邊更爲要今之薊遼昔  
之燕地也今之宣大昔之趙鄙也燕趙于七國稱弱

邊塞文 一 卷 九  
支秦則不足。禦虜則有餘者。何也。井田遺制。猶有存也。井田何以能禦虜也。虜之長技在騎射。利在平原。不利於崎嶇林木。井之瀆洩有溝。界限有堤。堤之上。有樹植。基突相錯。勾連勿間。卽有大寇之馬。亦望而却步矣。計田出軍。兵不煩召募。依井作牧。馬不事市買。餼糧自裹。餉不苦轉輸。以視日勤。班軍脩築邊牆。與虜僅隔一重者。相去幾千倍。國初強邊禦虜。勝着盡於斯矣。此制屯田以寓戰守之策也。  
集群書

近者虜入輒利。偶與法合耳。彼方千里。輒戰。若爲遠也。然絕濶踰垣。遂有其險。則奪我之近矣。彼雖日夜兼馳。若爲勞也。然旣入塞。給營如堵。晝掠夜歸。我軍救東則擊西。救甲則擊乙。則奪我之逸矣。彼不持糧芻。若爲饑也。然一入我地。卽食其有。困圍我軍。餉道轉絕。則奪我之飽矣。

國家東北以宣大爲蔽。西北以薊州爲蔽。脩其缺壞。所謂以近待遠也。沿邊一千二百里耳。分屯番守。所

謂以逸待勞也。停住馬市，厚犒士卒，所謂以飽待饑也。羣書備考

邊方有事，征調走集，其奉凡一而來也。賣放頂替，羸弱就行，沐雨櫛風，瘡痍面裂，况調彼衛此，措置非宜。將吏欺隱，徒滋弊竇。燕趙之郊，不乏擊筑屠狗之雄。省此冗費，以募士兵，彼此交益，所謂練士著，以罷容兵者此也。文武庫

秦築長城，天下騷動。今薊北修築，迄無完期。將吏欺

漁軍士疲困，墨子守城之法，五十步須丈夫丁女四十人，連挺斧推行，棧行接，不移而具。今大鎮延紆路，可千里，而兵不滿十萬，則擺邊特兒戲耳。虜衆大舉，折墻通行，誰能扼塞。不如省此冗費，以設地險，易稱設險。見諸坎卦，李克用塹城，而存孝虎將，束手就縛。今於水口要害，多作深塹，做地網之法，以興屯田，亦一策也。皇明奏議

蘇洵論兵，有正奇伏三道。如薊鎮之紫荆關，正道也。

古北口奇道也。黃花鎮伏道也。胡虜入犯必有總路。外則置毒水草。內則伏路設奇。夫千里之地勢難尺寸而守。亦扼其吭而已。所謂省工役以脩地險者此也。武試劍光選

夫屯田之詔。三令五申。而卒不聞甫田十千之盛者。擾而無利。軍士苦之而不勸行也。子粒徵收。歲不及額。督租愈峻。南畝愈蕪。田蕪而租愈難辨。月領口糧。又非近地。道塗往返。餽糧已空。出納煩數。將吏爲奸。

何所不至。故一僉屯軍。舉家痛哭。若罷戶糧。而以子糧予軍。耕耘所入。彼卽私之。田事悉聽有司。衛官不得差擾。軍有餘粒。田有餘利。數年後。爭相墾藝。穀粟必多。然後倣和糴之法。積儲備荒。邊境永無虞矣。所謂舉屯田以足糧餉者。此也。禎朝奏疏

孫武子設五閫以探敵。曰。賞莫重於閫。事莫密於閫。今虜之入寇。晒乳炙腊。動淹旬朔。早知預備。探哨爲急。而我所恃爲閫者。夜不收之屬也。直探虜營。與虜

往返者曰明哨。伏路遞報者曰暗哨。明哨寄身虜窟。制命於虜。反泄我情事。以媚強胡。况虜有狡心。必不以實。而以疑嘗我。聲東擊西。傳其虛聲。反足敗事。不如罷違而厚廩。暗哨得寔。則重犒之。明斥餽。謹烽火。古之遺法也。所謂厚間諜以探虜情者此也。

士不選練。以卒予敵。兵不利。甲不完。與空手袒裼同。今戊巳屯者雲集。而金錢轉輸不絕。宜飽歌超距。而士卒疲敝。紉破胃。荷朽戈。以應故事者。將吏刻剝故

也。竭其財。則不得鑄。亦買劔。竭其力。則不得殼。弩習射。以精其技。故簡閱將吏。汰冗擢良。最爲急務。今稱將材者。類言跣地之雄。而輕撫綏之略。然岳公論將。先仁信而後智勇。孫子論卒。亦稱嬰兒之愛。使兩君而不知兵。則已。如果知兵。可忽其言不察哉。今請以吏治通之軍法。將領當陞除者。必核其屯田荒熟。軍士苦樂。以爲殿最。按之以典刑。叅之以清議。窮邊始獲蘇乎。嗟夫。饑能脫巾。而飽不能投石。退耻負耒。而

進又祛挽戈坐糜廩餉畜軍何爲然竭脂膏以媚虜  
剗瘡肉以奉吏鶉結半菽謀生路窮鹿不擇音何能  
及遠故邊無債帥則剝削絕剝削絕則士安樂士安  
樂則器械習器械習則赳赳桓桓者出而戰必勝守  
必固矣所謂戎帥之戕剝者此也。禎朝奏議

蓋嘗觀於周之盛矣天保以上治內采薇以下治外  
於內外辨深故春秋之文夷夏防之又防焉何休釋  
經以爲王者不治夷狄且王者豈有不治夷狄者哉

然所謂不治之治者皆以遼吾中國之便而置夷狄  
於不便之地都邑不同緩急因異審之以因勢制變  
如是者止嚴尤謂周得中策劉貺謂周得上策可不  
深論也乃漢人之爲謀也治秦中實塞下而已唐  
人之爲謀也斥磧北置都護而已宋人之爲謀也復燕  
雲城朔方而已祖宗防之而治後嗣忽焉而底於亡  
得失終始可攷而知也。文德翼邊防會墨

今邊京後最急宣大次之榆林寧夏甘肅又次之故

遼塞列 一卷 十四 舊序  
太寧存則宣薊無阻隔。而遼右臂伸。東勝存則山陝有交應。而甘肅之左臂伸。今棄不顧。此往事之不可悔者矣。

國初邊境。以東勝開平。興和泰寧爲限。旋以開平興和孤危難援。議棄之。未幾而移東勝左衛于永平。移東勝右衛于遵化。而四衛俱不守。遂以大同宣府。延綏爲邊矣。夫昔之邊在遠。今之邊在近。望其永永無虞。無是理也。國初太寧福餘朶顏三衛。俱爲內地。

太祖高皇帝封皇子于太寧。使之自守。而兀良哈爲我捍禦。迨捐三衛之地。以昇兀良哈。而邊土所促。三五百里矣。夫昔爲守關之卒。而今爲闖戶之寇。所當防備者也。古今治平略

制插之策。莫急于復河套。河套失。則虜反居內。田反居外。而屯失矣。甚至屯聚畜牧。伺我之隙。攻我之疎。虜所以與插交者。皆此地也。復河套以復屯。而歲糜之金。繒可省也。然非擇將帥。練團營。充軍寔。倡勇敢。



河套未可輕言復也。禦虜之策莫急于寔遼東。遼東虛則商不耕邊鹽入官鬻而坑失矣。甚至蹂躪縱橫壞我營堡掠我人民。插之所以視虜生心者。率此故也。復遼東以復鹽而都門之守可壯也。然非專任使廣召募明賞罰尚攻戰遼東未可輕言寔也。皇明奏

議選

國家驅逐胡元混一區域東至遼海西盡酒泉延變萬里中間漁陽上谷雲中朔代以至上郡北地靈武

臯蘭河西山川聯絡列鎮屯兵帶甲四十萬據大險以制諸夷初設遼東宣府大同延綏四鎮繼設薊州寧夏甘肅三鎮又以山西鎮巡統馭偏頭三關陝西鎮巡統馭固原亦稱二鎮遂為九邊

今能相九邊中之最急者而獨注其力餘可姑緩如山永有警薊為急宣大有警紫馬為急山西有警龍固為急海上有警天津為急專設重兵示以必戰雖然以援兵戰闕下其勢不及戰以遼人戰遼夷其

情不得戰。以蓄疑負固之帥。統驕悍觀望之卒。其心不欲戰。以十羊九牧。一瓢十輿之人。受文法于相牽。定機宜于往反之久者。其法不可戰。是在當事者。善所以戰之也。文武庫

遼東

今天下事。孰有大於制禦東奴者哉。然未於東奴問制禦。先於中國問強弱。中國強。則奴之愚我者。我反因之以愚奴。中國弱。則我之勝奴者。奴借用之以勝我。蓋夷虜無百年嘗勝之運。中國有一朝自振之機。惟是固圉強兵。用火用間。禁召募。練土著。奮中國之強。振邊圉之弱。則今日遼左一邊。不可不亟講者一也。

遼東古幽營二州之域。舜分冀東北為幽州。即今廣寧以西之地。青東北為營州。即今廣寧以東之地。東至鴨綠江。西至山海關。北至旅順海口。南至開元城。

木葉白雲之間。遼之北京中京地也。奴酋竊發同遼  
分裂肩背。單寒貽我。國家滋蔓之憂。實從此始。王

崇禎集羣書抄

奴有三敗。奴世受我乳糜。乃虔劉我人民。竊據我與  
地一敗。聖人既出。淄青叛賊相顧投兵。而猶阻兵  
安忍。不思効順。二敗。往年有寧遠之捷。去歲有寧錦  
兩捷。風鶴之魄。漸以鎮定。而奴賊連年艱食。天不祐  
之三敗。東

唐李晟曰。河隴之陷。非吐蕃能陷之。皆將臣沓暴。其  
種落日益東徙。自棄之耳。然則亡遼者。非廷弼諸人。  
而從來貪墨之吏也。今天子新政。謂宜加曠蕩惠。  
此中國以及遼氓。俾知故土可戀。故君可懷。然後擊  
鼓從之。是日戰心。

當廣寧之敗。初未有奴酋一人一騎來蹙之。聞奴東  
葉爲人。削木爲劍。揚旗曳塵於數百里之外。而經撫  
臣卽青馬藍衣。抱項空城。三日而奴人始至。是遼之

師武臣皆藁木之所敗也。遼之疆土皆藁木之所收也。昔孫武子誅兵三令五申不率者徇。穰苴期日中莊賈後至遂斬以徇。今偏裨蓄縮士卒逃亡而王者不問士不見威何氣能厲。李牧守代軍市租皆用饗士。魏尚守雲中出私養錢饗客。馬燧討田悅約勝則傾家貲賞之。今之武吏皆營債於文吏而假侵尅償之士不見德何氣能厲。威之德之是曰戰氣。往者一官於遼輒反唇相稽文與武不和經與撫不

和中與外不和當其不和或有幸遼之敗以快厥憤。憊者是故不紅旗督帥則不亡張將軍不馬上催兵則不亡劉杜將軍不入讒言不更局則不亡遼以東不入奸人不經撫謄書相言則不亡遼以西古大臣上殿相爭如虎下殿不失和氣今相爭如仇者慮無不私名私利自爲耳乃至兵難逾度百聞不如一見而論者捕風繫影輒長短之令人畏首尾而不敢自効。趙充國曰諸君皆便文自營非爲公家忠計也。段

通鑑卷五十一  
一  
趙充國曰。羗人所以易制者。以其種自有豪。數相攻。謂戰和。寧彈籜冠。論鴉鴨。猶勝掣疆吏之肘。而敗其事也。是。悛。自用之人。慎簡之。勿令復司關外。而冠惠文者。星之外。是以用舍相碍。否臧皆凶。願自今。圯族方命。野。而決策於九重之中。機會變於斯須。而定計於千里之外。是以用舍相碍。否臧皆凶。願自今。圯族方命。悛。自用之人。慎簡之。勿令復司關外。而冠惠文者。寧彈籜冠。論鴉鴨。猶勝掣疆吏之肘。而敗其事也。是。謂戰和。

趙充國曰。羗人所以易制者。以其種自有豪。數相攻。擊。勢不一也。後羗與匈奴通。先零罕开諸豪。乃解仇。作約。遂叛矣。班勇令車師王手斬單于兒。以結車師。匈奴之釁。今我不能閉諸虜於穴中。令自相為難。而坐聽其結好往來。則邊臣之計失矣。夫犬見骨則群。起相牙。能若岳武穆陽責謀者。以構劉豫兀术。若种。世衡龜束祭版。以間野利天都。則東西虜必相噬。而我操其勝。是謂戰交。

夫與人鬪。不搯其吭。拊其脊。未能勝也。圍碁上者。張

置疏遠。多得道而爲勝。中者。徒自絕要。遮以爭便利。下則守邊趨作。蜀白生於小地耳。遼左之勢。關爲首。東江爲尾。而海蓋四州爲其脊。廣寧四戰之地。無嶽可恃。奴得我四州。而不宿以重兵。殆天所以資我也。昔范仲淹請先取綏宥據要害。余玠敬禮隱士冉璞。璉兄弟。終日踞坐。以堊畫爲山川城池。起則鋊去。从乃進曰。今欲保蜀。其在徙合州城乎。玠聽之。蜀賴以全。遼之蓋套。是亦遼之綏宥合州也。但議者謂移東

江之師。恐未必聽。而分寧遠。則關前後弱。愚以爲東江一師。隱現於烟波海島之間。而歲糜百萬。倘不聽移。復安所籍之。如其聽移。則我搯遼之脊。而櫻其道。從此遼東西可以臂指使。而首尾應。是日戰形勝。錢牧齋先生策選

奴固無能爲也。奴得我遼瀋之地。最稱沃土。魚鹽粟米之饒。與膠萊相接。棄而不守。澤鹵爲墟。徒戀鼠穴。其志略可知。又以威劫諸夷。淫刑斬割。叛人偶幸逃

死。旋就誅滅。其敢死鐵騎。終不滿萬。狐疑狼顧。惟驅降人爲前隊。勒以必死之法耳。非有重瞳之勇。曹瞞之智計也。非有兀術之用兵如神。伯顏之謀勇兼絕也。特我授以間耳。

故欲滅奴。在先復遼廣。遼廣不復。則寧遠孤。寧遠孤。則山海終不能以一泥丸塞。而神京亦易震。日賊方委遼啖我。作南朝病塊。奈何復之。復之。而復其城。不耕其地。是邪律氏所指無皮樹也。真病塊也。荀子曰。

非兼併之難。堅凝之難。堅凝之法。其在招遼民屯遼土乎。請于諸屯內。擇有水草者。深其濠。高其城。以宿糧草。無警。則各居本屯耕牧。有警。則駟牛羊入城。固守待援。度奴不能久持糗糒。趨利千里。但使奴因糧之術窮。則奴伎窮。而我且溝洫縱橫。柞械蒙翳。可以阻胡馬之長驅。可以神埋伏之密計。方用誘賊使來。乃畏奴蹂躪哉。古今摘段

大都夷狄。各爲心。則易制。併爲一。則難圖。于忠肅得

制也。先亦以其與脫脫貳。有內顧憂耳。昔奴併毛憐  
王召而不問。併南關北關而不問。坐使建大。以有今  
日。今復坐視。插併乎卜會。奮會沃首。松會間。何渠難  
遣一使往來。捺縱連雞。投骨鬪狗也。蓋善謀人者。嘗  
工于合人之爭。彼唯日有所爭。則其勢自無暇及我。  
我能鬪諸虜。我雖不戰。而代我戰者已多矣。  
陳臥子

策遼議

天道佑順惡逆。凡夷狄之憑陵者。天必稔其樂而織

之。故單于鴟張于漢。後稽首以稱臣。頡利狝突于唐。  
後身莖于灞橋。元昊女直皆易世而衰。繇此知天惡  
夷狄。未有驕而不滅者也。奴之於三十六姓。皆用計  
吞噬。非心腹也。怨家仇子。耽耽侍側。保無中變乎。此  
一可滅也。

插種素貴。不甘爲奴役。今歸奴。貌合耳。插酋營。又貪  
狼嗜利。戕季父妻女弟。其人必非久相下者。遲之。必  
有兩蛇穴鬪之事。此二可滅也。



老酋舍長而立四酋長酋之子姚塔素鴛鷺有怨言  
又與四酋之子不協屬有讒構其間公子光白公勝  
之事可計日待此三可滅也

奴既拜諸夷數十萬衆仰食恒不支聞其部多離心  
將必有如五單于分立者此四可滅也

奴襲華風所掠子女玉帛皆豢養資此趙靈武所以  
併胡而賈生所爲互餌之策其可滅五也

周簡臣策

奴議

奴之棄建州徙居瀋陽也聯婚插慙凌劫屬國兼併  
套永盡四夷而有之此其志不在小用套夷攻兩河  
用遼人窺三協用鮮人擾登津而已不勞肆楚之術  
疲我玩我固處處當防而其寔真女直不俱至可以  
一當十十當百者無甚多人犬羊雖愚畏歿則一若  
俟其來以偏師綴其老寨而以輕卒擊其惰歸鳥散  
獸捉我可得志矣

破胆篇

按木葉山在錦州城東三十里爲遼祖奇首發祥之

地墳與廟至今在焉。設重鎮於錦，以跋扈不祥之人居之，利器假人，大都偶國，爲此謀者可勝誅哉。

萬遠

堂時務

關外右屯一城，我若守之，奴決不敢西來。蓋從右屯抵蓋州，風帆只須半日。我守右屯，彼不得不防蓋矣。欲堅右屯之守，則不可不屯旅順。蓋繇旅順陸走一百二十里，可以直達金州。我守旅順，彼又不得不防金。而賊勢益分矣。然十八里之南關嶺不築，則虜騎

得以馳突，而旅順亦終難守。不見張盤故事乎？移海上島民以實右屯，旅順而舟師騎兵兩設，以出奇制勝。此復遼要着也。

若就海而論實着，當以旅順爲窳。旅順陸走一百二十里，達金州。繇旅順之雙島舟行，南風一日至北汛口。登岸卽復州。以某愚見，登鎮宜駐旅順，而以步卒一萬，扼南關，領爲固。蓋南關爲旅順門戶，去旅順將八十里，三面環海，一嶺通金，其寬約十里許耳。若以



萬卒負土木雜鎗砲而驟築之數日可就而後列三  
 營以坐守之環旅二百餘里之肥饒可屯可耕去嶺  
 二十里卽金州其勢可前可却劉興治而必欲使之  
 立功自贖正當使入金州而守之若時勢未便亦當  
 令其爲前鋒於南關嶺數出數入以驚擾之庶興治  
 之功可稽興治之罪可贖也時興治賊殺鎮帥仍領島兵故云另立  
 水兵一萬分二隊以迭出北汎口而令寧遠舟師時  
 會哨以通東西之息蓋繇旅至北汎與繇寧至北汎

海道適均用風差等也得便則入復州而據之不則  
 亦可乘水登岸疾馳二三十里而批擣之法曰實而  
 備之佚而勞之出無備攻不意此是也

若不能築南關以連營守旅順而遽言復金則復金  
 卽是虛着不能復右屯繇海以窺蓋州而遽言復遼  
 則復遼又是虛着能守而後可攻有備不宜廢戰旅  
 順右屯守舟師馬步糧噐備金復蓋之間水陸數出  
 而數擾之彼久必怠怠必玩我數出則銳銳則張而

後以登鎮分水陸入金復前鋒遼鎮分水陸入海蓋  
別選一奇從泥窪上十方寺榆林而直薄遼瀋分而  
竝鬪之合而其鬪之庶奴可一戰滅也。萬遠堂時務

要略

遼東邊圖說

遼東禹貢青冀二州之域為燕京左臂三面瀕  
夷一面阻海特山海關一線之路內通亦形勝  
之區也歷代地皆郡縣我

朝盡改置衛而獨於遼陽鎮名開元鎮名設安樂自在

二州以處內附夷人其外附者東北則建州毛

憐女直三夷國名等衛西北則朶顏泰寧福餘三衛

分地世官互市通貢顧遼東諸夷情與諸鎮異

東北則屋居犬食射獵非所優警備差緩西北則俗仍迤北竊發頗多要在隨時安輯先事申嚴俾恩威並著足制其心斯計之上而斬俘論功則第二議也開元廣陵並據襟吭金復海蓋頗稱沃野三岔河南北亘數百里遼陽曲城在焉草木豐茂更饒魚鮮自

國家委以與虜乃遂進據心腹限隔東西守望勞費道里迂遠遼人每憤憤焉然白山聳秀渤海

縈迴鴨綠混同左右遮相持護山川融結故生對盧劾里鉢阿骨打諸夷足智多謀沉毅勇鷙捷鬪無前乃若規三岔以通上谷之徑控金海以擅魚鹽之饒東據開元以爲襟然必整理威遠青陽而開元之藩籬益固北擴廣陵以爲吭然必措置臨潢鎮靜而廣陵之形勢益張經斯鎮者幸毋以東夷之弱而易之至山海一線之關我塞彼不可來彼塞我亦難往中原多事遼

東其自為一區乎。

一、自禁。然必盡毀。

一、關。無前。凡莽。跌三。谷。以。無。土。谷。之。到。對。金。城。

一、構。盡。修。里。輪。阿。骨。林。指。更。致。皆。多。斯。武。獲。良。益。

一、榮。歐。無。繼。武。同。古。亦。後。林。井。黃。山。川。編。餘。姑。主。

遼東邊圖攷

遼東鎮屬衛二十五所十一關二營堡一百。  
 馬步官軍九萬九千八百七十五員名馬九  
 百零九匹。子粒米二十六萬一千四百六十  
 七石。歲運銀一千八萬五千二十四兩。米一  
 十二萬四千六十六石。歲辦草二百四十萬  
 五千二百一十一束。豆七萬五千二百二十  
 六石。  
 六斗。

欽差巡撫都御史一總兵官征虜將軍一鎮守太監

一俱任廣寧分守副總兵一駐遼東分守東路叅將

一駐開元遊擊將軍一駐廣寧守備二寧遠一。靉陽

一馬市官一駐開元

廣寧鎮

屬衛四

廣寧都指揮一司西四百二十里廣平中廣寧左廣  
 寧右俱在廣寧衛城內屬堡七鎮夷等七堡馬步官  
 軍一萬五千八百七十二員各歲運銀一十五萬兩  
 歲運米五萬三千八百零六石歲辦秋草四十四萬  
 四千七百束歲辦豆一萬八千六百九十一石  
 廣寧中屯都指揮一司西北六百里馬步官軍九百  
 一十三員各子粒一萬一百五十八石歲辦草四十



四萬八千束

義州衛司西北五百四十里廣寧後屯在義州衛城內屬堡大定等六堡馬步官軍八千三百五十三員名子粒四千二百四十石歲運銀七千三百六十四兩六錢有零米二萬九千九百三十四石歲辦草二十七萬六千束豆一萬四千八百七十一石七斗錦州屬衛二廣寧左廣寧中屬所二松山大麥河屬堡大興等七堡馬步官軍六千三百零三員名所有

子粒二萬一千四百五十二石歲運銀五千四百六十一兩六錢歲辦草二十八萬三千二百二十束豆一萬二千六百一十四石四斗

寧遠衛都指揮一司西七百七十里屬所二中左中右屬堡黑庄等十堡馬步官軍一萬一千七百五十五員名子粒一萬九千五百九十八石歲運銀一萬二千一百一十六兩八錢歲辦秋草四十五萬六千束豆一萬六千四百二十六石五斗

康寧右屯司西五百四十里康寧前屯司西九百六十里屬所二中前中後屬堡鐵場等九堡馬步官軍九千零二十員名子粒八千九百八十七石歲運銀一萬八十一兩米四萬三百二十六石歲辦草三十萬七千四百束豆一萬二千六百二十六石

遼陽鎮

遼陽附郭屬衛定遼中左右前後東寧撫順屬所附郭自在州屬堡鞍山等二十四營堡馬步官軍二萬四千二百九十四員名馬五十四匹子粒七萬二千九百七十七石

瀋陽衛都指揮一司西北一百二十里屬衛二撫順蒲河屬堡靖遠等三堡馬步官軍二千三百四十三員名子粒一萬二千六百零一石

撫順衛都指揮一屬關一撫順屬堡鎮安堡一馬步官軍一千六百五十六員名子粒二千五百九十八石。

蒲河衛指揮一屬堡十方堡一馬步官軍一千三百一十六員名子粒二千四百六十七石。

懿路都指揮一屬衛鐵嶺屬所左左中左屬堡三岔等四堡馬步官軍二千四百六十員名子粒三千一百零五石。

鐵嶺衛指揮司北二百四十里屬堡撫安等三堡馬步官軍一千四百零三員名子粒三千二百六十九石。

中固指揮一三萬司北三百三十里屬衛遼海堡柴河等三堡馬步官軍一千三百五十二員名。

開元指揮一三萬衛西門外屬衛三萬遼海在開元城內安樂州亦在內屬堡鎮北等八堡馬步官軍七千四百一十七員名子粒八千二百六十二石。

蓋州衛司南二百四十里屬堡五十等二堡馬步官軍一百零四員名馬九十六匹子粒二萬七千一百二十五石

復州衛司南四百二十里屬堡羊關等二堡馬步官軍五十員名馬五十匹子粒一萬二千五百一十石零

金州衛備禦官一司南六百里屬所中左屬堡石河等一十二堡馬步官軍四百九十七員名馬三百七

十匹子粒二萬四千八百五十六石有零已上俱貯

鎮城

海州指揮一司南一百二十里屬關三岔屬堡耀州等七堡馬步官軍四千七百三十五員名馬三百四十三匹子粒二萬七千三百三十一石歲辦草二十八萬一千二百束

邊塞攷經國雄略卷之一終

八萬一千二百束

十三四子並二萬子千三百三十一可藏雜草二十

羊子壘無志官軍四千七百三十五員各馬三百四

萬休計戰一區南一百二十里關三合壘壘獸休

與地

十四千並二萬四千八百五十六可官零古土具報

邊塞攷經國雄略卷之二

溫陵 鄭大郁孟周 編訂

潭陽 王介蕃康扶 叅閱

邊塞攷

薊州

承平既失虜據吾背東勝復喪虜潰吾腹太  
寧興和廢虜更阻吾呼吸一身之中業已痿  
痺不仁倘薊再失守天下事其忍言哉然則  
守薊之功未容泯滅而喪遼之罪難追追問  
矣是薊州所  
當商確者二

國初設六邊禦胡自開元歷興中太寧抱紅螺跨獨石以達諸宣府自宣大迤西直抵甘肅勢如率然首尾相援天設之險而剗造之艱也永樂初有劉江之役兀良哈效順遂以興中太寧與之掣太寧都司於保定於是紅螺白雲之北因而失險退守錦義寧前喜峯三屯密雲白羊以達居庸自是宣府左臂受衝盧龍背偃僂遼之襟吭項哽而諸陵亦時警嚴烽候矣夫不復興中太寧則寧前一散地耳自潮河川喜

峰口以窺盧龍則深平騷然矣自黃花白羊以窺薊

北則諸陵震驚矣當是鎮者其尚念哉

古今摘段

黃花鎮擁護陵寢為京師後門古北口潮河川俱

稱要害而潮河川殘元避暑故道尤為虜衝作橋則

浮沙難立為壑則漲水易淤雖曾設有關城勢孤難

守喜峰口三衛入貢之路久累軍丁近奴首從此入

犯援守益不可緩矣

羣書集攷

內邊龍井關起西至累谷關止邊城罄折計六百里

夷地一區可田千頃乃在腹裏外有橫山一帶止百  
五十里相連高峙窺見內地虛實又橫山一帶舊為  
我軍架砲之所山外撒江經流此真自然之險若修  
築外口不惟我據其險有地可畊且以守六百里之  
人堡移之守百五十里豈不省且便哉

邊塞議

唐毅曰薊門宣府大同藩籬也居庸紫荆倒馬門戶  
也真定保定諸肥邑堂室也藩籬密則門戶固門戶  
固則堂室安楊博有言曰狂胡披獮分道憑陵東犯

薊鎮則九道震驚西犯偏關則三晉騷動各邊地勢  
既殊戰守互異薊昌保定三鎮有墻可恃但使匹馬  
不入卽為上策

三邊攷略

庚午之役奴從董家口龍井關大安口入矣甲戌之  
役奴又從洗馬林膳房口入矣然奴入關寧而不能  
防得永遵而不能守畏通涿而不能攻攻寶坻昌黎  
而不能下全力分應宣雲而不能一得志孤軍深入  
除保安數殘城而外不能他有所圖逼紫荆倒馬而

不能闌入一步。我知其無能為也。前事不忌後事之師。則為今日之制奴計可知矣。

丙子應天試策

為今計者。不守薊鎮。不足以保京師。不復全遼。不足以守薊鎮。守固而後全遼。復則畫地而守。未容弛也。分信而防。未容緩也。密雲以南。馬蘭以東。處處宜嚴。毋為開門之入。居庸以北。潮河以西。事事宜修。勿等空拳之搏。尤儲爾糗糧。礪爾戈矛。簡爾車徒。選爾將帥。為出關之舉。堅據於寧錦之間。不徒守寧遠而

復廣寧。不徒守廣寧而必復三岔。守三岔而時出師於金復蓋海。以窺奴之聲息。因張我之威靈。漸以圖之。久以期之。如是則遼復。遼復而關門堅如鐵室。則薊鎮安。京師一天下無不安矣。

破胆刪

國家置立邊防。界限夷虜。自遼東以迄甘肅。延袤萬里。其間透迤形勝。視古如備。如哈密為漢之西域。唐之伊川。永樂間。即其地置哈密。曲先罕東罕東左四衛。何其後。為土魯番所逐。歟。如河套。即秦所取。匈奴



河南地也東至偏頭西至寧夏三面阻河南臨邊東  
西幾二千里南北八九百里

以今日之九邊談之青真患瀕虜之孤懸會州苦數  
關之孑立雲中平衍爲玉壘之固若難上谷險隘作  
鐵室之蔽則易榆林嗇於飛輓卽玉鐸之風莫度魚  
河寧夏病於勢分雖藥技之柴難洩清水甘肅一陸  
奠石無期固原巨鎮蟠踞有地此吾疆土之形勢大  
略可睹矣

文武庫

戚繼光守薊建敵臺千二百座塞上周垣二千里畫  
地受工跨墻爲壘是役也帑發僅十萬緡經費考  
工足當百二十萬

薊京師左輔也我太祖旣逐胡元廼卽古會州之  
地設太寧都司營州等衛而封寧王與遼東宣府東  
西並建以爲外邊又命魏國公徐達起古北口至山  
海關增修關隘以爲內邊

文皇帝靖難後兀良哈部落內附廼改封寧王于江

西徙太寧都司于保定散置營州于順天之境而以  
太寧全地與之授官置衛令其每年朝貢二次往來  
互市永爲藩籬卽朶顏泰寧福餘三衛是也遼東宣  
府自此隔絕聲援絕矣正統以前夷心畏服地方寧  
謐弘治中守臣因燒荒掩殺無辜邊釁遂起正德以  
來部落旣蕃朶顏獨盛陽順陰逆累肆侵噬故主衛  
夷情難與往日例論黃花鎮擁護陵寢宣府古冀  
州之城秦漢爲上谷郡石晉以後淪沒于夷狄者蓋

四百餘年我太祖盡徙其民於關內號其地爲宣  
府置萬全都司其地東據黑水東北據獨石南距紫  
荆關東南距居庸關西據枳兒嶺西南盡順聖川北  
據西高山西北距野狐嶺國初嘗忠武王破虜于  
漠北卽元之上都設開平衛守之置八驛東四驛接  
太寧古北口西四驛接獨石

文皇帝三犁虜庭皆自開平興和萬全出入嘗曰滅  
此殘虜惟守開元興和太寧遼東甘肅寧夏則邊可

永無事矣。後太寧既以與虜，興和亦廢，而開平失援，難守。宣德中，乃徙衛于獨石，棄地蓋三百里，土木之變，獨石八城皆破，雖旋收復，而宣府特重矣。宣府山川糾紛，地險而狹，分屯建將，倍于他鎮，是以氣勢完固，號稱易守。然去京師不四百里，鎖鑰所寄，要害可知。北路獨石馬營一帶，地雖悠遠，然長阻長安嶺，虜難徑下。中路之葛峪諸堡，西路之萬全諸城，南路之東西順聖，皆稱虜衝，警屢至焉。東路永寧四海冶，及

龍門所，則三衛窺伺之地，而四海冶上通開平大路，下連橫嶺兒，又要地矣。若日補長峪城鎮邊城之募軍，重浮圖峪插箭嶺之防守，留茂山衛京操之士，以益紫荆，築李信屯交界之堡，以固兩鎮，此豈容已乎。薊州肩背單薄，虜騎必攻，潮河有營，可生細柳旌旗之色。山海有關，可成雁門收堡之堅，而守奚不可獨石。雄兵待命於崑崙，霄度定邊，勇士翹足於烏盃，先登而戰，奚不能。清水之軍，雖未林立，而更衣之計可





通鑑 卷九  
二卷  
九  
舊唐書  
神。薊門之士固不雲屯而解鞍之奇可出而兵奚患寡。黃花鎮一片肥饒而金城之騎可留。花馬池蒲堤芳草而河中之牛堪策而餉奚患貧。

國家有可棄之險有不得已而棄之險有萬難輕棄之險。謂之險則何可棄。然遠在塞外無害藩籬。偶有所失不為弛防。卽或據我內地。羶裘毳幕實逼處此。猶有一二重鎮彈壓其間。地雖棄平無害於險也。唯是扼吭之區得則爲天下安失則爲天下危。根本所關不有以繕其險而儲其備致令已失之地不能復。未失之士不可保存亡反掌。何時不恐則今日之亟圖薊鎮以復全遼是已。武備全書

欽定四庫全書  
卷一百一十五  
藩州  
十一

圖藩鯨以資全撥是日  
未失之士不百計於子又掌何得不悉限今日之通  
關不肖以辭其劍而辭其辭也今日之此不論其

左辭全書

藩州末議

鄭大郁

聖子談制奴於今日其又一局乎奴雖小而強而今  
大矣小可以力困大則難圖奴強而我難制而  
奴復挾其強者以窺我角我然則吾守將不虞  
其瑕戰將不虞其詭乎曰非然也

皇上焦思拊髀於上百執事臥薪枕戈於下逆獍授  
首政在其蠱厲狼顧氣揚趾高之日也曷言之  
古來未有夷狄傾國之師竄入重地而能善其

邊塞故  
二卷  
藩州末議  
十一  
見此

後者虎頡利滑橋之盟李衛公以偏師勝之完  
 顏亮繪立馬吳山圖屯兵維揚一書生用殘兵  
 而褫其魄勝負得失較然若此况  
 國家堂堂  
 中興之景象而遘  
 神武不世出之  
 聖主哉

今當事者終日言戰言守曉曉為恢復之略而鑿

鑿布置之謀豈不甚壯不於此時藁街以洩二

十餘年

天地神人之憤恣厥豨突聽彼鴟颺介冑已矣竊為

卿大夫恥之為

今日計莫如以宣薊為北府俾守北門東以永平

為輔守松亭諸隘西以易州為輔守紫荊南以

臨清為輔坐鎮牖河總扼河南山東之衝南屯

徐州通



兩京咽喉如丘文莊議而最急者尤莫如三關最近者尤莫如北而昌平東而通州天津南而良涿最要害者尤莫如

天壽山後之錐石灰嶺奴所從入爲宣薊接界互相推諉之地夫戰之不可徼倖固也守則優爲下令但能閉關拒賊絕彼聲援堅壘老師固我保聚卽爲上功否者殺無赦爰簡三大營夙練之鋒率冀以

禁旅環以關寧宣雲甘延諸路勤

王之勁師統以大帥相機宜設犄角蹶之堅城力而拘諸原如于少保石亨之故策奴必不能入持糧糗趨利千里必不能羣嘶胡馬肆彼鯨吞又何能凌虛蹈危越險而奔逐者哉而今則不然矣腹疾不治肘腋患生剝膚不剪外釁突起不觀

今日之域中竟成膏煎之鼎沸昔雖小而強者而

通鑑 卷一百一十一 魏 魏 魏

今且大矣。大則難圖，強則難制。奈何堂堂天朝，元元民命，反噬於腥膻犬豕，莫之制噫，豈理也哉。

薊州邊圖攷

薊州鎮屬關一百一十三，寨七十二，營四十三，堡六十一，馬步官軍七萬八千六百二十一員名，糧四十萬六千八百餘石，料豆六萬七千五百餘石，子粒米麥一萬三千七百七十八石六斗，布絹折鈔銀二萬兩，綿布一十二萬一千六百餘疋，綿花絨六萬六千三百餘斤，草四十萬三千餘束，城一十一，山東及河南北直隸司府起運夏稅秋糧麥豆三萬四千五百疋，綿花八萬一千五百斤，絹二千餘疋，海運兌軍本折米共二十四萬石，軍民屯折色草共銀二十一萬六千九百六十兩有零，夏秋二稅本色折絹米一千一百四萬九千二百餘石，草九萬七千六百八十四束。

邊塞攷 二卷 薊州邊圖 十四 魏

欽差總督遼劄都御史一

欽差巡撫順天等處都御史一駐遵化密雲兵備副

使一駐薊州兵部主事一駐山海關巡按山海關監

察御史一

欽差將軍總兵官一駐密雲參將五燕河營一馬蘭

峪一密雲一太平寨一古北口一遊擊將軍一駐建

昌營都指揮二通州等處一居庸關一守備八山海

關一永平一薊州一燕河營一三河口一涿州一遵

化一黃花鎮一

薊州鎮管轄

薊州馬步官軍一百六十四員名子粒米一百五十

石

山海守備一兵部主事一管五關馬步軍一百六十

二員名子粒米一百零二石

一片石把總管九關馬步軍八百八十六員名子粒

米三百四十五石

義院把總管一十四關馬步官軍一千三百六十八員各子粒米九百四十六石  
界嶺把總管一十關寨堡口馬步官軍一千五百九十二員各子粒米五百七十石  
桃林把總管七關堡口馬步官軍一千六百一十四員各子粒米五百八十八石  
擦崖把總管七關馬步官軍一千一百四員各子粒米九百四十五石

董家把總管六關寨馬步官軍一千六百二十五員各子粒米二百一十石  
大喜峰把總管七關寨馬步官軍七百六十二員各子粒米五百四十三石  
洪山把總管一十二關寨馬步軍一千四百八十九員各子粒米六百三十九石六斗  
羅文把總管一十七關寨堡口馬步軍一千九百八十八員各子粒米一百五十五石

馬蘭把總管一十五關寨馬步軍一千八百五十四員名子粒米二百六十石

將軍石把總管一十關寨馬步軍八百三員名子粒米三百零八石

將軍臺把總管四十關寨馬步軍二千一百五十四員名

東石把總管三十四關寨馬步軍一千八百八十員名

黃花鎮把總把一十一城馬步軍三千八百四十九員名

牛頭把總管三營馬步軍一百九十六員名

石門把總管四營馬步軍二千二百一十九員名子

粒米六百一十四石

駙馬把總管一營馬步軍八十五員名子粒米三百二十四石

界嶺營把總管一營馬步軍三百零五員名

燕河分守叅將守備管八十關寨營堡口馬步軍一萬六千二百四十一員各子粒米四百八十石。

桃林營指揮管三營馬步軍一千二百四十七員各子粒米一千三百九十石。

建昌營遊擊將軍把總管一營馬步軍二千六百八十二員各子粒米三百九十八石。

臺頭把總管一營馬步軍四百二十六員各子粒米六百七十石。

五重把總管四營馬步軍一千四百九十三員各子粒米七百四十五石。

松棚把總管四營馬步軍五千二百七十六員各子粒米一千二百九十一石。

大安把總管三營馬步軍一千三百四十八員各子粒米五百一十一石。

馬蘭營分守叅將管七十五關寨營堡口馬步軍一萬八千六十九員各子粒米五百零一石。

將軍寨把總管三寨馬步軍一千四百九員各子粒  
米一百七十二石

熊兒營把總管三營馬步軍一千四百九員各子粒  
米一百七十二石

司馬臺把總管五營馬步軍一千三百五十一員名

石塘把總指揮管四營馬步軍七百七十九員名

振武把總指揮管壹營馬步軍一千三百四員名


石匣指揮管一營馬步軍三百五十六員名

### 朶顏三衛

昔太祖封第十六子于泰寧靖難初兀良哈部落內附徙寧王之封于南昌遷太寧都司于保定府遂以全寧舊地封之  
日朶顏日福餘日太寧是為三衛

三衛即兀良哈夷種也在烏龍江南漁陽塞北春秋  
時山戎地秦遼西北境漢為奚酋所據東漢征走匿  
于松漠間後魏復還號庫莫奚服屬契丹為泰寧路  
戶四萬六千口四十四萬八千

國初割錦義建利諸州隸遼東設都司于惠州領營



興會三十餘衛所。即北平行都司也。洪武十四年封皇子權太寧。爲寧王。二十二年分兀良哈爲三衛。於潢水之北。曰朶顏。曰福餘。曰泰寧。處降胡以脫魯忽察兒海撤男奚阿失里爲三衛指揮使同知。並邊爲我藩籬。靖難初。首刼大寧兵。及招兀良哈諸酋。率部落從有功。遂以大寧昇三衛。寧王移封南昌。徙行都司于保定。爲大寧都司令。三衛歲二貢衛百人。按三衛東起廣寧屯。歷喜峰。近宣府。爲朶顏。自黃泥

窪逾瀋陽鐵嶺。至開元。爲福餘。繇錦義渡遼河。至白雲山。爲太寧。皆逐水草。無恒居。

大寧三衛。朶顏直薊門。至廣寧而止。泰寧則視遼瀋福餘。更在開鐵之北。論者欲復太寧。誠迂濶無當。若第復朶顏一衛。西聯開平。東接關外之太平堡。以守二千餘里者。守紅螺東口之三百餘里。未始非計。然要之皆外勢也。

京師左漁陽。右上谷。大寧環其後。大寧旣未易。俸復



則勢在薊宣薊宣之界直京師之北而外邊則宣稍東蔽所稱陵後者在宣邊之內非別有他口臨虜也聞其地險若陰平向特無一人守隘耳然薊宣雖並憑而奴入多趨坦道利馳突四海治白羊諸口不若古北黃花喜峰嶺口尤夷曠平漫三關二十七口守卒二三千人分布幾如晨星虜二三萬騎闌入豈足禦哉

文武庫

三衛朶顏最強分地取險永樂中取親附宣德中入漁陽塞上率諸軍出喜峰關敗諸虜于寬河誅其大酋自是稍馴順正德中又叛侵盜東北諸關寨索鹽米而已以故喜峯密雲間有都指揮或都督鎮守驗夷貢已耳福餘太寧結也先為嚮導朶顏獨據險不從也先至不能入寨不得利大掠福餘太寧人畜去勅都御史鄒來學經略已而設太監叅將又設總兵景泰四年守臣言兀良哈貢使往來不絕為尾刺間謀詔自後役至伴二三人入京餘不得輒入關

成化四年與北虜毛里孩通侵天城遣都督李鐸禦  
之十二年通亂加思蘭謀寇遼東勅邊臣脩之然亦  
未敢大爲寇盜弘治中守臣楊友張瓊燒荒出塞掩  
殺邊釁遂起正德中部落旣蕃陽順陰逆屢肆侵盜  
朵顏都督花當求添貢其子把兒孫深入虜掠動稱  
結親迤北革蘭台者花當孫也花當長子革列孛羅  
早死其弟把兒孫驍勇十年把兒孫入馬蘭谷塞殺  
叅將陳乾遣都督桂勇討之把兒孫遣扯尼等來進

言請入貢且獻馬贖殺乾罪我亦幸無事遂奏虜退  
班師未幾入寇叅將魏祥全軍覆沒時把兒孫較勇  
屢謀奪嫡諸酋惡之不相附尋亦死花當種人皆附  
革蘭台遲之來請嗣番官邊臣以爲言下兵部令譯  
部落後復許貢革蘭台仍入寇漁陽諸小關皆殘破

集羣書

諭三衛檄

方從哲

惟爾朶顏福餘大寧三衛內附之日久矣自我太祖高皇帝恭行

天伐迅掃胡元爾先人慕義向風稽首投命奉

中國之正朔受

中國之鈐帶願比外臣以為北鄙藩籬故我

國家設三衛于橫水之北以處爾眾俾有寧宇以

捍蔽疆圉迨我

成祖文皇帝舉兵靖難爾率部落以從首先戎行克  
有成績故又畀爾以太寧之地則亦既報爾勲  
矣已已之役也先內犯實爾福餘太寧爲之鄉  
道天綉其衷也先悔禍是以不克逞志于我爾  
又不悛屢肆侵盜朶顏花當之子大爲不道入  
我馬蘭谷塞戕我將臣我

國家不忘爾之舊勲不卽勦滅爾亦悔于厥心聽  
爾獻馬以續前罪爾等克全無害則是我有大  
造于爾也今

聖天子垂裳御宇揔一中外通譯萬里列燧千城雖  
在要荒流服之外上世所不治者猶且革心向  
化屈膝請命矧爾三衛固承我之宇下者哉爾  
乃包藏禍心齟齬邊境東構建夷北結土蠻貪  
其小利忘我大德率我蝨賊以來蕩搖我境土  
蹂踐我墩堡勞軼我師徒我北鄙之不靖也爾  
則使然是爾不率先人而有二心于我也

夫我

國家之所以待爾者。豈不厚哉。宴犒賞勞之賜。不絕于內庭。金幣米鹽之錫。不竭于外府。夫亦為爾能宣力。茲土外屏虜而內障。

中國耳。今乃陽順陰逆。反為虜用。我

國家于爾。豈有賴焉。

皇帝英明神武。威靈振乎中外。大小將吏。罔不矢心戮力。士卒精強。器械堅利。頃者虜數入。我師數

敗之。莫不追奔逐北。喋血橫尸。鯨鯢蔽于原野。馬牛填于坑谷。此爾等所見也。夫首惡者已創。而助虐者未誅。三軍之士。且欲剗刃于爾之腹中矣。所以寬爾之罪。不遂督治者。以爾或為醜虜所誘。非出本心。尚能悔過改圖。以收桑榆之效也。爾若洗心滌慮。去逆效順。謹固封疆。毋為亂首。則


朝廷恩澤。所以加爾者。不輕。功業光于先人。福慶

流于子孫矣。如其怙終不悛，仍懷狼豕之野心。一旦發貔武之師，加螳臂之上，正恐天兵所及，噍類無遺，雖有噬臍之悔，亦無及矣。故此馳布簡書，申明禍福，爾等其圖之。

泰寧

按泰寧在薊州東北。我太祖封第十六子權為寧王，靖難初徙寧王之封于江西南昌，遷都于保定府。全寧遂棄以與虜云。

泰寧古會州之地。太祖設太寧都司及所屬營州等衛以爲外藩籬，復命徐達修山海關，喜峯口，古北口，黃花鎮，潮河川一帶以爲內藩籬。成祖時搬回太寧，以其地委朶顏三衛，而以內藩籬爲界。太寧既棄，則開平興和不容不失。宣德中移守獨石龍門。



勢固然也。土木之變，獨石八城俱陷。所恃者一長安  
嶺，橫亘虜衝耳。今計其恢復之略，大軍出喜峰，直搗  
錦州、全寧，而夾以開平、中屯、興州、右屯，及松亭、永寧  
之師，遼海出偏師以綴福餘，而繼以義州、廣寧之衆，  
步騎出于牛山，舟師進于小陵。此其成計不可易者。  
然非十年生聚，十年教訓，未易言矣。

昔曾中丞首建恢復河套之策，夏相國王其謀，而與  
當事者不合，遂成廢格。識者恨之以愚，而論復套猶  
可緩，而所最急者在復太寧。何則？欲安京師，須制強  
虜，而欲制強虜，須復太寧。太寧不復，強虜不得而制，  
強虜難制，京師不得而安，勢固然也。蓋太寧爲京師  
後背，左聯遼東，右接薊州，聲勢互援，外藩始固，不然，  
獨石、黃花鎮、古北口，去京師有幾，而區區恃此爲險  
乎。

邊塞攷經國雄略卷之二

邊塞攷經國雄略卷之三

溫陟 鄭大郁 孟周 編訂

清溪 詹 鑛 開麗 叅閱

邊塞攷

宣大

嘉靖庚戌間邊報日棘西海夷窺甘涼套虜  
窺延固俺荅小王子部落盤據威寧海子及  
開平邊外歲犯宣大諸鎮朵顏三衛數引壯  
虜犯廣寧遼陽睥睨白馬關逼黃花鎮議者  
條上防飭營關謂京營額設官軍今不  
滿十萬之數設倉卒有變何以應之



九邊中之最急者。而獨注其力。餘可姑緩。雖然。以援兵戰。闕下其勢不及戰。以遼人戰。遼夷其情不得戰。以蓄疑。負固之帥。統驕悍觀望之卒。其心不欲戰。以十羊九牧。一觚十輿之人。受文法於相牽。定機宜於往反之久者。其法不可戰。是在當事者善所以戰之也。

內邊外邊。極衝次衝。今日之地。非有異於昔也。薊之十八萬。宣之八萬。大同之七萬六千。今日之兵。非有減於昔也。顧額則晨星。隘則齟齬。偵且不有。防於何聞。論者以大寧內徙。宣遼隔絕。沿邊千里。逼虜為隣。誠難乎其為守。然則必復開平興和。如國初燕碣為礪。渾濶為帶。而後可乎。

昔余子俊王儀守宣。修張家口諸處。以塞中路之竇。修永寧墩諸處。以扼京後之塞。修龍門所之盤道墩。迄靖胡堡之大衙口。俾北路之兵。繇此以入南山。東路之兵。繇此以出援獨石。周尚文守大同。築靖虜弘

堡以翼弘賜築滅胡五堡以障威平築拒墻五堡以厚塞外之肩背築新平三堡以固瓦窰之屏藩彼三臣者伊何人與鼎峙翼翼永壯京援虜方嚙指相戒其何敢有端目覷我者而今何如德勝間道幾同無人決墻南驅三關失險又何有於諸隘而可以一丸泥封哉

始僅以關寧當奴今則薊門宣大山陝無不當奴奴之勢無所不攻我之勢無所不守矣寇之勢不在殘我郡邑而在卽我計以愚我始度我必勦聚殺函以拒我旣知我將撫分數支以嘗我今則飄忽窺江淮矣是故始猶欲閉門搏寇今則吳楚秦晉齊豫無不禦寇寇之勢無所不合我之勢無所不分矣故曰難得而易失者勢也

宣大山西三鎮無墻可守但使清野圖存卽爲中策聶豹有言曰唐陸贄謂中國與夷狄各有所長不可勉於所短而敵其長宜用所長以乘其短是以關邊

表裏之間。謹禁防。明斥堠。峙糗以足力。練卒以畜威。寇小至則遏其衝。大至則邀其惰。據險以乘之。多方以誤之。使其勇無所施。衆無所用。掠則靡獲。攻則靡取。進有腹背受敵之虞。退有首尾不救之患。可收萬全。

宣大末議

王世貞

天下所至重而甚危者。則莫如宣大。宣大古上谷雲中地也。都長安延寧諸鎮。重都燕宣大重。宣大之所以獨重于燕者。爲燕蔽也。

文皇帝時。宿重兵于二鎮。以威恇。喝虜。大漠之南。王庭絕而不復。幕是儲胥也。是虎豹之不採也。及其季也。虜時時入掠矣。殺傷不相當也。然虜能入之而不能有也。徇利而驟進。微飽而驟退。小

創小止大創大止其嘗也虜又不敢越二鎮而  
遂攻燕何者畏二鎮之犄其後也是猶門戶也  
猶手足也今者虜入而雜居于堂之外庭之內  
毳帳覆野飛騎錯路二鎮之人不得就時耕牧  
矣虜進弗能距也退弗能踣也叩關內而弗能  
要也門戶析手足痿痺而燕之所恃以重者僅  
耳目耳然而大司農之金錢日夜輦輸于二鎮  
若陸海然虜踐屯則耕作廢虜徼道則商旅廢

故二鎮之民枵腹以俟大司農之金錢金錢盡  
而卒弗飽也治二鎮者有總督矣有巡撫矣有  
監司矣守令矣其帥有總兵矣副叅遊守矣又  
有御史司察之矣其事不相通而其力足以相  
制則不獨十羊而九牧之也合則爲蒙不合則  
爲掣且名雖爲帥所統不過三千人而已其久  
者不過三四年而止耳其權不足以兼治諸將  
之兵而足以脇諸將其智不足以強衆而威敵

而足以倖僥而自遷。是故大司農之金錢，日夜輦輸而北，以給二鎮。而二鎮之金錢，日夜輦輸而南，以之京師。其為督撫也，監司也，守令也，總兵也，副參遊守也，御史也，則莫不商二鎮而傳舍之也。故欲二鎮之足捍虜，則莫若得人，得人則必使之無商二鎮而傳舍之。無商二鎮而傳舍之，則莫若捐二鎮而與之，而不為之參問，則可。昔者唐之末，回紇吐蕃攻闕中矣，以天下之力拒之而不足，而天子數至于蒙塵，然不敢窺河北諸鎮之一障。何者？人有其地，故也。人有其地，則人自戰，而能饒吐蕃之于蜀也。南詔之于蜀也，若穿魯縞也。小予韋臯以蜀而不虞蕃，大予王建以蜀而不虞詔，此其明效也。是故捐二鎮以予材者，則必聽其生，聽其殺，聽其辟，置經費爵賞而無禁效，則公之戾之，而世其地，如是而三年不省度支，十年不全制虜者，吾不信也。

力拒之而不足，而天子數至于蒙塵，然不敢窺河北諸鎮之一障。何者？人有其地，故也。人有其地，則人自戰，而能饒吐蕃之于蜀也。南詔之于蜀也，若穿魯縞也。小予韋臯以蜀而不虞蕃，大予王建以蜀而不虞詔，此其明效也。是故捐二鎮以予材者，則必聽其生，聽其殺，聽其辟，置經費爵賞而無禁效，則公之戾之，而世其地，如是而三年不省度支，十年不全制虜者，吾不信也。

宣府漢上谷郡國初嘗忠武王破虜於沙北設開平  
 衛守之置八驛東則涼亭沈河賽峰黃崖四驛直接  
 大寧古北口西則桓州威虜明安隰寧四驛直接獨  
 石  
 太宗皇帝三犁虜庭皆自開平興和萬全出入嘗曰  
 滅此殘虜惟守開平興和大寧遼東甘肅寧夏則邊  
 境可永無事矣後大寧旣以與虜興和亦廢而開平

宣府

宣府漢上谷郡國初嘗忠武王破虜於沙北設開平  
 衛守之置八驛東則涼亭沈河賽峰黃崖四驛直接  
 大寧古北口西則桓州威虜明安隰寧四驛直接獨  
 石  
 太宗皇帝三犁虜庭皆自開平興和萬全出入嘗曰  
 滅此殘虜惟守開平興和大寧遼東甘肅寧夏則邊  
 境可永無事矣後大寧旣以與虜興和亦廢而開平

宣府邊圖



宣府

三

宣府

失援難守宣德中乃徙衛於獨石棄地蓋三百餘百  
工木之變獨石八城皆沒雖旋收復而氣勢日微宣  
府特重矣宣府山川糾紛地險而狹分屯建將倍於  
他鎮是以氣完勢固號稱易守然去京師不四百里  
鎖鑰所寄北路獨石馬營一帶地雖懸遠然長阻長  
安嶺虜難經下中路之葛峒太白陽青邊諸堡西路  
之柴溝洗馬林萬全諸城南路之東西順聖皆稱虜  
衝警屢至焉東路永寧四海冶及龍門所則三衛窺

伺之地而四海冶上通開平大路下連橫嶺兒又要  
地矣然自東路之四海冶迤邐而西歷北中二路抵  
西路之西陽河爲大同界大同東路之東陽河迤邐  
而西歷中北二路抵西路之丫角山爲山西界自山  
西之老營堡迤邐而西歷水泉偏頭保德州爲黃河  
計一千九百二十里有奇皆逼臨虜巢所謂外險也  
又老營堡轉南迤邐而東歷寧武鴈門北樓抵平刑  
關又迤邐而南而東爲保定界歷龍泉紫荆倒馬之



吳王口。挿箭嶺。浮圖峪。沿河口。又東北為順天界。歷高岸。白羊。抵居庸。計二千五百里有奇。峻山層崗。所謂內險。兩險截然。天限華夷。奈何邇者夷虜結陣。驅掠汾沁。邊議日興。豈險不足恃。繇法紀弛。防範懈。有險與無險同。故曰補長峪。城鎮邊城之幕府。重浮圖峪。挿箭嶺之防守。留茂山。衛京操之士。以益紫荆。築李信屯。交界之堡。以固兩鎮。因地利。計人力。為倚諸關外。增崇垣。百萬綿堞。比之金湯。戰克而守固矣。

宣府邊圖攷

領衛一十有五。屬所六十六。城三。馬步官軍一十二萬六千三百九十五員名。通鎮馬六萬六千九百八十四匹。屯糧六萬二千三百零二石。地糧三萬九千一百五十三石。有零團種糧一十一萬五千八百八十六石。有零公務驛傳糧一萬四千三百三十三石。稻田徵米一千一百七十九石。有零草二十二萬六千九百七十一束。

欽差巡撫地方都御史一。

鎮朔將軍鎮守地方總兵官一。協守地方副總兵官

一。叅將五分。守東路一。駐懷安西路一。駐萬金右南

路一駐順城北路一駐獨距中路一駐葛峪指揮三  
河南一萬全二遊擊將軍二守備官二十八坐營官  
六把總官一百九十八管隊官二千三十五貼隊官  
九百二十八俱駐各城堡。

宣府鎮城馬步官軍二萬二千二百七十四員名馬  
一萬二千八百六十四匹地糧八萬一千七百七十  
八石草二萬一千二百二束。

宣府前衛馬步官軍二千七百六十二員名屯糧八

千四百八十一石地糧八萬一千七百七十八石草  
二萬一千二百二束。

宣府左衛馬步官軍一千二百三十四員名屯糧三  
千八百九十七石地糧五千七百五十九石草九千  
七百四十二束。

宣府右衛馬步軍一千一百七十員名屯糧三千六  
百七十七石地糧一千一百七十石草九千一百八  
十束。

邊界五  
三卷  
十一  
嶺前

興和所馬步軍三百八十員名屯糧一千六十五石地糧五百一十一石草二千六百六十二束

永寧衛馬步軍八千八百八十員名馬一千一百七十五匹屯糧二千五百八十石地糧二百四十一石

草六千四百五十束

隆慶左衛馬步官軍一千二百五十九員名馬一百

二匹屯糧四百二十三石地糧七百一十二石團種

一千七百二十七石公務糧五百四十一石驛傳米

五十四石草一千五十束

隆慶右衛馬步官軍二百五十三員名馬一百二匹

屯糧一千一百四十三石地糧七百九十五石公務

糧六百四十八石驛傳米一百六十二石草二千八

百五十七束

懷來衛馬步官軍一千八百八十九員名馬六百三

十八匹屯糧一千六百九十石地糧九百九十五石

草四千二百三十束

宣府邊圖攷  
見

保安衛一名新石馬步官軍三千五員名馬一千三匹屯糧三千七百三十五石團種二千八百六十二石草一千一百九十二束

保安堡卽保安舊城馬步官軍三百六十七員名馬二百九匹地糧九石四斗團種一千四百四石草六百束

四海治堡馬步官軍一千六十一員名馬二百六十九匹地糧一百一石八斗

隆慶州衛馬步官軍一千二百五十九員名馬一百二匹屯糧四百二十三石團種五十八石驛傳米三十六石草一千三百七十七石

順聖川西衛馬步官軍一千四百九十八員名馬九百五十四匹屯糧三千四百九十八石地糧三千四百四十七石七斗草八千七百四十五束

順聖川東衛馬步官軍一千一百一十九員馬八百一匹屯糧二千五百二石地糧五千七百三十三石

草六千二百五十五束

蔚州衛馬步軍二千一百六十三員名馬八百六十

匹屯糧六千四百四十四石地糧五千二百一十七

石團種四千三百二十石草一萬六千一百一十束

廣昌所馬步軍一千四十員名馬二百二十一匹屯

糧二千三十七石地糧五百四十四石草五千九十

二束

深井堡馬步軍三百九十員名馬二百五十四匹

葛峪堡馬步官軍二百一十六員名馬六百三十三

匹團種一百八石草九十束

太白陽堡馬步官軍二百七十二員名馬二百三十

二匹團種一百一十七石公務糧二十八石草九十

七束

小白陽堡馬步軍二百二十六員名馬二百七匹團

種三百五十一石草二百九十二束

青邊口堡馬步軍三百七十五員名馬三百一十三

匹團種一百五十三石，公務糧六十六石，草一百二十七束。

羊房堡馬步官軍三百四十一員，各馬二百九十二匹，團種一十三石五斗，草一十束。

嘗峪堡馬步軍三百五十四員，各馬三百一十四匹，團種六十三石，草五十二束。

趙川堡馬步軍二百七員，各馬一百七十八匹，團種三百四十二石，公務糧七十二石，草一百四十二束。

龍門所馬步軍八十七員，各馬二十匹，屯糧一百八十八石，地糧二百零四石，公務糧二千四百一十六石，驛傳米八十四石，草七百五束。

萬全左所有都司馬步軍一千八百九十七員，各馬八百七十一匹，屯糧五千八百七十石，地糧二千二百七十七石，團種三千三百八十八石，公務糧二百二十二石，驛傳米一百零八石，稻田五百石，一十九升，草一萬四千六百七十七束。

萬全右所有都司馬步官軍三千八百二員名馬三千二百三十六匹屯糧四千六十八石地糧三千一百九十七石團種六千一百六十五石公務糧六百九十石驛傳米一百四十四石稻田六百七十七石八斗草一萬一百七十束

張家堡馬步軍一千一百九十九員馬六百二十六匹

渡口堡馬步軍六百八十員馬四百二十八匹

懷安所馬步軍一千九百五十九員名馬九百八十七匹屯糧四千九百五十九石地糧二千二十三石團種一千七百五十五石草一萬二千三百九十七束

新開堡馬步軍六百六十九員名馬三百四十七匹團種八十一石草三十五束

洗馬堡馬步軍一千四百六十一員名馬六百七十七匹地糧六石七斗團種二千九百一十一石公務糧一

百三十四石草一千三百四十六束

新河堡馬步軍九百三十四員名馬五百九十九匹

團種四十六石草一百九十五束

柴溝堡馬步軍一千九百四員名馬一千三百八匹

地糧二百六十石公務糧三百六十石草三千二百

十束

西陽堡馬步軍一千九百四員名馬六百四十七匹

膳房堡馬步軍六百七十七員名馬四百三十五匹

團種五十三石草二十四束

開平所馬步官軍八千八百三十員名馬二千四百

九十四匹屯糧六百一十四石地糧三百六十石團

種四千六百二十石公務糧九十六石驛傳米四十

八石草四千六百零五束

清泉堡馬步軍二百五十七員名馬一百三十九匹

開平所馬步軍三千五百八十八員名馬七百二十

一匹屯糧一千九十八石公務糧九十六石驛傳米



三十二石。草四千一百一十七束。

馬營堡。馬步軍三千二百七十三員。馬一千八百九

十一匹。地糧八十一石。團種五千一百七十八石。公

務糧一百三十石。

赤城堡。馬步官軍一千五百九十七員。馬四百一

十四匹。地糧四十二石。團種一千七十八石。公務糧

五十六石。驛傳米五十六石。

長安堡。馬步軍一千一百六十六員。馬二百三十

九匹。屯糧五百七十石。地糧二百二十五石。驛傳米

六十四石。草一千四百二十五束。

鷓鴣堡。馬步軍六百五十九員。馬二百六匹。地糧

二百八十二石。團種五百五十二石。公務糧五百五

十二石。驛傳米三十一石。稻田六十四石。

龍門關。馬步軍二千三百三十七員。馬七百六十

匹。屯糧一百八十八石。地糧二百四石。團種二千四

百一十六石。公務糧八十四石。草七百五束。

牧馬堡馬步軍二百一十二員名馬一百二十六匹

鎮安堡馬步軍四百四十九員名馬二百一十六匹

滴水堡馬步軍五百一十二員名馬一百七十四匹

雲州堡馬步軍一千七百九十員名馬三百四匹屯

糧六十石地糧六十八石團種八百四十五石公務

糧五十六石驛傳米五十六石稻田五十六石草四

百五十束

金家堡四百一十二員名馬二百一十七匹

鎮寧堡四百二十九員馬二百九十五匹

通志

卷

十一

卷

大同鎮

大同古雲中地。東至枳兒嶺。西至平虜城。川原平衍。無山設險。故多大舉之寇。初設大同府。分封代王。分東西中三路。西則平虜威遠。中則右衛水口等處。皆稱要害。蓋南犯朔應。諸城必窺之路也。東則天城。陽和為虜入順。聖諸路之衝。平虜西近老營。堡虜終出套。便涉其境。故大同稱難守焉。

大同鎮城高拱完固。舊為二邊拱衛。鎮城以限邊夷。後兩邊俱壞。虜至直抵鎮城。復築五堡于二邊。內為耕守計。夫脩五堡有二利焉。藩屏外固。內地獲安。一

通志

卷

大同鎮

十一

卷

也。沃土茂田，富庶可期。二也。二邊旣復，宣寧等縣棄地亦可漸理。三也。高山聚落，二堡蓋在鎮城兩腋間，實爲東西虜衝。募軍分駐，則按伏之費省，犄角之勢成矣。

山西鎮西接延綏，東連雲谷，鴈平寧武，備三關，俱係緊要之地。惟偏老營儀一帶，與北虜止隔一牆，套虜止隔一水，防秋防冬，東西路最爲極衝。雁寧二關人皆恃大同爲藩蔽，不知虜一有警，大同之兵皆棄城

自守不暇，豈能拒堵不犯。是以嘉靖年間，虜繇陽和等口突犯，長驅深入內地，震驚亦爲首衝。內地如永寧州之青龍渡口，去陝西綏德百餘里耳。平陽之河津，滎河諸地方，去陝西西安一水間耳。套虜和款，借以無事，倘或淪盟，亦當防備。

順義王虜中呼安灘罕，其先元裔。弘治間，有小王子者，因瓦刺西，繼與土魯番相警，殺勢漸強。其子反顏罕，亦稱小王子，有子十一人。長吉囊，次俺答，賽那之



大同鎮



大同邊圖

子。小王子之孫也。吉囊分部河套。俺答任牧開平上  
 都等處。其子黃台吉卽卒愛。善用兵。嘉靖間。數寇宣  
 大。薊遼。隆慶四年。俺答孫把漢那吉因忿乞降。俺答  
 求之。悉縛趙全等八人以贖。上從之。五年貢馬稱  
 藩。遣使奉冊。封俺答爲順義王。勅建歸化城弘慈  
 寺。在宣府。市於張家口。大同。市於新平守口。得勝堡  
 山西。市於水泉營。任牧大青山。豈州灘。俺答死。黃台  
 吉嗣。台吉死。扯力良嗣。蓋二世納款云。其部落分爲

東西。哨有六枝。一順義王。扯力良等。并素囊台吉。一  
 設克炭台士。一兀慎打兒漢台吉。一罷把都兒台吉。  
 一青把都白洪大台吉。一永邵于大成台吉等。皆統  
 于順義。  
 乃若偏頭。寧武。鴈門。三關。語其地。則寧武。據兩關之  
 中。當鞏夷之要。爲東西之應。援實陽。方義井之門戶。  
 外。接入角堡。內。維奇嵐州。故設總府以臨之。居中調  
 度。良有意焉。偏頭。四逼黃河。與套虜僅隔河水。自蓋

渾脫飛渡以來警報不息然山澗崎嶇難於大舉老  
營東接平虜至大同邊不遠使東西聯絡築邊固塞  
且屯且守則丫角墩而南陽房口而東烏用是紛紛  
也舍門戶而理堂室誠不得已焉耳鴈門當廣武朔  
州馬邑大川之衝通忻代崞諸郡縣之路虜從左右  
衛而入勢當首犯東越廣武則北樓平刑皆為虜衝  
西越白草溝則夾柳鵞窠莫非要守鴈門警備于是  
為急矣嗟夫百孔千瘡之鎮必得豪傑者專任之明  
罰勅法不猛不寬漸而待之庶有濟乎

大同川原平行故多大舉之寇西則鎮虜威遠中則  
左衛右衛水口等處皆稱要害蓋虜南犯朔應諸城  
必窺之路也東則天城陽和為虜入順聖諸處之衝  
而鎮虜西連老營與偏關近直逼黃河焦家坪娘娘  
灘羊圈子等處皆套虜渡口往來蹂躪無虛日焉唐  
蔡受降城守在河外漢用主父偃之策據河為守  
國初棄置豐州獨勝東勝已失四面之險逮正統以

後又復棄去東勝大同藩籬日薄矣且五堡激變撫  
驕軍悍如嬰兒與菓提携上下亡分大同紀綱日墜  
况山川平曠在在可通北虜穴套時肆竊發撓亂衝  
突實為難守故尋漢唐之舊跡復東勝之舊封無難  
卒興舉守在興和天城一路者宜分守瓦窯永加白  
羊鷓鴣之險守在左右二衛一路者宜分守黑山華  
皮溝牛心兔尾河之險守在鎮虜老營一路者宜分  
守黃家山并坪紅門之險庶有濟乎

### 大同外三關

大同鎮屬衛八所七堡五百八十三萬馬步  
官軍舍餘土兵共五萬四千一百五十四員  
名糧料布花屯糧屯草及京運年例通共銀  
七十七萬五千一百八十八兩七錢五分屯  
糧一十二萬七千七百二十一石每石折銀  
八錢屯草一十七萬六千四百一十二束秋  
草三十七萬一千四百一十束每束折銀一  
兩夏秋稅糧折布一十八萬二千五百疋每  
布折銀綿花絨八萬斤草二百四十四萬四  
千八百五十束每束折銀八分河南起運小  
麥九萬六千石  
每石折銀四錢

欽差巡撫地方贊理軍務都御史一管糧郎中一俱



駐鎮城

欽差征西前將軍一。守地方總兵官一。協守地方副  
總兵一。分守叅將四。東路一。駐陽和西路一。駐平虜  
中路一。駐右衛弘賜堡一。備禦指揮二。山西一。河南  
一。遊擊將軍一。駐大司。行都司指揮三。內掌印一。倉  
書二。守備二十二。靈丘一。天城一。陽和一。左衛一。右  
衛一。威遠一。平虜一。朔州一。虜州一。井坪一。廣靈一。  
鎮河一。渾源一。懷仁一。山陰一。馬邑一。聚落一。高山

堡一。弘賜堡一。鎮川堡一。鎮邊堡一。鎮虜一。鎮河一。

大同衛

中衛。轄聚落等堡九十二。

左衛。前衛。轄高山等堡三十五。馬步官軍五千一百

九十三員名。

右衛。後衛。轄弘賜等堡七十六。馬步官軍六千三百

二員名。

威遠衛。轄鎮邊等堡七。馬步官軍二千四百七十六

員名

鎮虜衛平虜屬太原轄甘溝等堡八馬步官軍二千四百七十六員名

荊州衛轄奶河等堡三十二馬步官軍三千四百七

十一員名

天城衛轄趙家屯堡六十二馬步官軍四千六百三

員名

陽和衛轄柳林等堡四十九馬步官軍四千九百五

員名

蔚州井坪所轄細水兒等堡三十二馬步官軍一千七百五十四員名

蔚州左廣靈所轄風西等堡二十五馬步官軍四百員名

玉林渾源所轄李峪等堡三十九馬步官軍五百八十一員名

安東中懷仁所轄窰村等堡三十九馬步官軍六百

三十八員名。

汾州靈丘所轄台頭等堡七。馬步官軍四百員名。

山陰所轄西小河等堡四十九。馬步官軍三百二員

名。

馬邑所轄西河底堡一十五。馬步官軍八百八十六

員名。

內三關

按三關有二。曰外三關者。大同宣府陽和是也。此則原設偏頭寧武鴈門。內三關也。固守門庭。邊陲內輔。莫內三關若矣。可不商確而亟講乎。

黃河東北。舊有東勝城。與大同大邊。興和開平。相聯通為一邊。外狹內寬。復設偏頭寧武鴈門。三關十八隘口于內。以為重險。往年東勝開平。能守三關。未為要害。正統以來。東勝開平俱失。三關獨當其衝。時無駐牧之虜。防守尚易。



弘治十四年以後虜住套中地勢平漫偏頭關逼近  
黃河焦家坪娘娘灘羊圈子地方皆套虜渡口往來  
蹂踐歲無虛日保障爲難今三關要害雖同偏頭尤  
急十八隘口雖同胡峪口陽方口石硤口尤急河岸  
渡口雖同娘娘灘太子灘尤急先年以山西巡撫任  
劄雁門關內代州總兵任劄偏頭關又各設守備一  
員以備調度


嘉靖十九年胡虜充斥三關不能禦近議于朔代之  
間設重臣一員總督宣大三關亦如陝西固原之例  
又按三關東十八隘口又東紫荆關又東居庸關山  
勢連亘實天設之險爲京師近藩往年紫荆居庸可  
踰而今不能者以增築脩鑿之工多而其險備也使  
今之三關亦如紫荆居庸胡馬敢深入乎故今之急  
務在備三關之險選將士積芻糧以固其門戶庶山  
西定而畿輔之地無警矣

西...  
 今...  
 微...  
 又...  
 湖...

內三關攷

屬堡三十九口一十九馬步官軍舍餘共二  
 萬七千五百四十七員名子粒米六千二百  
 二十七石布政司派徵解邊銀三十八萬餘  
 兩一新增歲用銀五萬八千七百一十兩料  
 一十六萬七千九百四十石馬一萬五千五  
 百四十三匹草五百五十八萬九千餘束

欽差提督三關兼撫巡山西都御史一駐太原防秋  
 駐代州兵備副使一駐代州鎮守山西兼提督三關  
 副總兵一駐寧武關叅將二駐代州一駐偏頭遊擊  
 將軍二北樓口老營堡守備八鴈門一寧武一偏頭



邊界列 三卷 三十一 觀社

一、廣武一、平刑一、利民一、老營一、神池一。

鴈門關轄水峪等堡一十九、馬步官軍一萬一千四

百六十一員、子粒米二千八百三十石、馬七千五百

匹、草四月至十月不支、草料軍自行牧放十一月至

三月支、每月支草三。

寧武關轄羊房等堡一十一、馬步軍一萬一千八百

二十員、名、子粒米二百七石、馬六千一百九十九匹、

草十束、料九斗。

偏頭關轄羅漢等堡二十八、馬步官軍一萬一千二

百二十八員、子粒米二千一百九十石、馬六千七十

五匹

邊界列

內三關攷

百七十八人... 百八十八人... 百九十八人... 二百零八人... 二百一十八人... 二百二十八人... 二百三十八人... 二百四十八人... 二百五十八人... 二百六十八人... 二百七十八人... 二百八十八人... 二百九十八人... 三百零八人... 三百一十八人... 三百二十八人... 三百三十八人... 三百四十八人... 三百五十八人... 三百六十八人... 三百七十八人... 三百八十八人... 三百九十八人... 四百零八人... 四百一十八人... 四百二十八人... 四百三十八人... 四百四十八人... 四百五十八人... 四百六十八人... 四百七十八人... 四百八十八人... 四百九十八人... 五百零八人... 五百一十八人... 五百二十八人... 五百三十八人... 五百四十八人... 五百五十八人... 五百六十八人... 五百七十八人... 五百八十八人... 五百九十八人... 六百零八人... 六百一十八人... 六百二十八人... 六百三十八人... 六百四十八人... 六百五十八人... 六百六十八人... 六百七十八人... 六百八十八人... 六百九十八人... 七百零八人... 七百一十八人... 七百二十八人... 七百三十八人... 七百四十八人... 七百五十八人... 七百六十八人... 七百七十八人... 七百八十八人... 七百九十八人... 八百零八人... 八百一十八人... 八百二十八人... 八百三十八人... 八百四十八人... 八百五十八人... 八百六十八人... 八百七十八人... 八百八十八人... 八百九十八人... 九百零八人... 九百一十八人... 九百二十八人... 九百三十八人... 九百四十八人... 九百五十八人... 九百六十八人... 九百七十八人... 九百八十八人... 九百九十八人... 一千零八人... 一千一十八人... 一千二十八人... 一千三十八人... 一千四十八人... 一千五十八人... 一千六十八人... 一千七十八人... 一千八十八人... 一千九十八人... 二千零八人... 二千一十八人... 二千二十八人... 二千三十八人... 二千四十八人... 二千五十八人... 二千六十八人... 二千七十八人... 二千八十八人... 二千九十八人... 三千零八人... 三千一十八人... 三千二十八人... 三千三十八人... 三千四十八人... 三千五十八人... 三千六十八人... 三千七十八人... 三千八十八人... 三千九十八人... 四千零八人... 四千一十八人... 四千二十八人... 四千三十八人... 四千四十八人... 四千五十八人... 四千六十八人... 四千七十八人... 四千八十八人... 四千九十八人... 五千零八人... 五千一十八人... 五千二十八人... 五千三十八人... 五千四十八人... 五千五十八人... 五千六十八人... 五千七十八人... 五千八十八人... 五千九十八人... 六千零八人... 六千一十八人... 六千二十八人... 六千三十八人... 六千四十八人... 六千五十八人... 六千六十八人... 六千七十八人... 六千八十八人... 六千九十八人... 七千零八人... 七千一十八人... 七千二十八人... 七千三十八人... 七千四十八人... 七千五十八人... 七千六十八人... 七千七十八人... 七千八十八人... 七千九十八人... 八千零八人... 八千一十八人... 八千二十八人... 八千三十八人... 八千四十八人... 八千五十八人... 八千六十八人... 八千七十八人... 八千八十八人... 八千九十八人... 九千零八人... 九千一十八人... 九千二十八人... 九千三十八人... 九千四十八人... 九千五十八人... 九千六十八人... 九千七十八人... 九千八十八人... 九千九十八人... 一千零八人... 一千一十八人... 一千二十八人... 一千三十八人... 一千四十八人... 一千五十八人... 一千六十八人... 一千七十八人... 一千八十八人... 一千九十八人... 二千零八人... 二千一十八人... 二千二十八人... 二千三十八人... 二千四十八人... 二千五十八人... 二千六十八人... 二千七十八人... 二千八十八人... 二千九十八人... 三千零八人... 三千一十八人... 三千二十八人... 三千三十八人... 三千四十八人... 三千五十八人... 三千六十八人... 三千七十八人... 三千八十八人... 三千九十八人... 四千零八人... 四千一十八人... 四千二十八人... 四千三十八人... 四千四十八人... 四千五十八人... 四千六十八人... 四千七十八人... 四千八十八人... 四千九十八人... 五千零八人... 五千一十八人... 五千二十八人... 五千三十八人... 五千四十八人... 五千五十八人... 五千六十八人... 五千七十八人... 五千八十八人... 五千九十八人... 六千零八人... 六千一十八人... 六千二十八人... 六千三十八人... 六千四十八人... 六千五十八人... 六千六十八人... 六千七十八人... 六千八十八人... 六千九十八人... 七千零八人... 七千一十八人... 七千二十八人... 七千三十八人... 七千四十八人... 七千五十八人... 七千六十八人... 七千七十八人... 七千八十八人... 七千九十八人... 八千零八人... 八千一十八人... 八千二十八人... 八千三十八人... 八千四十八人... 八千五十八人... 八千六十八人... 八千七十八人... 八千八十八人... 八千九十八人... 九千零八人... 九千一十八人... 九千二十八人... 九千三十八人... 九千四十八人... 九千五十八人... 九千六十八人... 九千七十八人... 九千八十八人... 九千九十八人...

榆林

按榆林古延綏舊地。國初復東勝等城。戍守河外。自巳巳失守。火篩據套內。遂議徙鎮榆林。  
云。

鎮城遠在絕塞。肩背受敵。神木以東。據河以守。神木以西。舊邊圯甚。自鎮靜寧塞瓦與定邊等處。川原平曠。處處直通虜巢矣。東起黃甫川。通黃河。抵山西偏頭關界。西至定邊堡。抵寧夏花馬池界。邊長一千有餘里。境外套虜子孫。襖兒都司等部落住牧。查得神





榆林邊圖



木黃甫川。孤山高家堡。鎮靜舊安邊。清平寧塞保。寧  
波羅榆林城。清水永興雙山。威武懷遠。磚井靜邊。柳  
樹澗。大栢油栢林。俱極衝。

榆林舊治在綏德。秦爲上郡。漢隋唐皆邊鎮。宋沒之。  
後元季孔興據守。國初逐驅孔興。屯兵數萬年之。  
而棄米脂魚河等處。於外畿三百里。成化九年。都御  
史余子俊徙鎮榆林。邊墻東起黃甫川。西至定邊營。  
長亘凡千二百餘里。連墩勾堡。橫截河套之口。內復

塹山。湮谷。是日夾道。地利亦得矣。彼時虜少。過河邊  
士得耕牧。套內益以樵採圍獵之利。地方豐富。稱雄  
鎮焉。

自虜據套以來。我軍不敢擅入。諸利皆失。而鎮城四  
望黃沙。不產五谷。不通貨賄。于是一切芻糧。始仰給  
腹裏矣。

夫榆林地險而防嚴。將士敢勇。戰不貫胃。虜呼爲駱  
駝城。人馬見則畏之。四方征調。所向有功。更多將材。

有節氣視他鎮為最焉。鎮城不毛，軍衆待哺於腹裏，故未免夫米珠薪桂之誦，奈何。

按豐州有河可通綏德，若計沿河郡縣，改徵本邑以輸之榆林，其少蘇乎。此急務也。乃是亂蜂墜野，猪狹是直衝魚河之徑，虜自此出軍，駐魚河，則斷榆林綏德為兩矣。又東自定邊營西抵寧夏，東黃河岸橫城堡，三百里中多平漫沙漠，虜賊大舉多繇此入，經斯鎮者留意焉。

### 榆林邊圖攷

榆林鎮屬營六，堡二十，有萬馬步官軍四萬九千二百五十員，各馬二萬四千四百四十六匹，糧料一十八萬九千七百二十八石，存零民糧三千九百有零，草八十八萬一千二百六十六束。

欽差巡撫都御史一，駐鎮城。陝西管糧僉事二，鎮城一，靖邊一，監收通判二，鎮城一，靖邊一，抽木一，總兵官一，副總兵一，俱在本鎮。分守東路叅將一，駐神木，分守西路叅將一，駐新安邊。遊擊四，駐本鎮都

指揮三。駐本鎮守備一。駐定邊把總指揮三十一。高家一。建安一。雙山一。嘗德一。歸德一。魚河一。嚮水一。波羅一。懷遠一。威武一。清平一。黃甫一。清水一。木瓜一。孤山一。鎮羗一。永興一。大柏油一。龍川一。鎮靜一。靖邊一。寧塞一。把都河一。永濟一。舊安邊一。新興一。澇池一。三山一。饒陽一。鹽場一。坐堡官三十一。把總官隊官全。印屯局捕首領官全。千戶所官全。

榆林鎮。備禦馬步官軍二萬三千七十七員名。馬一萬一千二百三十二匹。糧料三萬三千五百六十八石。民糧三千九百三石七斗六升。草五千束。高家堡。備禦軍九百九十四員名。馬三百七十四匹。糧料四千一石九斗。草三萬二千一百二十三束。延安堡。備禦官軍七百零一員。馬四百零一匹。糧料五千三百七十石四斗。草一萬四千八百二十一束。雙山堡。備禦官軍八百三十四員名。馬四百零九匹。

糧料九千七百三十五石草九千九百四十九束

管樂堡備禦官軍七百七十六員名馬三百四十三

匹糧料四百五十石草三千六百八十三束

歸德堡備禦官軍三百三十六員名馬二百六十七

匹糧料三千三百六十二石六斗草二萬三千七十

六束

魚河堡備禦官軍六百三十二員名馬三百一十二

匹糧料一萬四千六百七十二石一斗草一萬七千

六百一十束

響水堡備禦官軍五百七十三員名馬一百五十四

匹糧料一萬一千四百七十石草八千三百六十束

波羅堡備禦官軍六百九十一員名馬三百六十四

匹糧料六千五百四十八石九斗草三萬三千二百

四十三束

懷遠堡備禦官軍四百二十四員名馬五百二十一

匹糧料四千三百五十九石四斗草一萬五千六百

卷之三

榆林邊圖

三十八

見上

四十四束

威武堡備禦官軍五百二十五員名馬三百五十三

匹糧料四千六百一十三石三斗草一萬二千三百

六十三束

清平堡備禦官軍六百二員名馬三百四十四匹糧料

二千二百五十二石一斗草二千四百一十八束

神木堡備禦官軍三千七十七員名馬一千二百四

十八匹糧料二萬四千九百六十一石三斗草九萬

一千三百六十一束

黃甫堡備禦官軍三百六十九員名馬一百一十四

匹糧料五百八十五石草三萬一千一百二十束

清水營備禦官軍七百一十四員名馬六百七十二

匹糧料一千三百五十石草九萬七千八百六十束

木瓜堡備禦官軍四百三十六員名馬二百六十八

匹糧料一千五百二十石草四萬一千二百五十束

孤山堡備禦官軍六百五十九員名馬四百四匹糧

遼寧苑  
三卷  
三十九  
勸

料四千一百一十一石草六萬五千二百束

鎮羌堡備禦官軍六百五十九員名馬五百六十七

匹糧料五百六十石草八萬六千七百五十束

永興堡備禦官軍七百六十一員名馬四百七十八

匹糧料四千三百二十石草八萬四千六百四十四

東

大栢堡備禦官軍二百九十員名馬一百八十一匹

糧料四百六十六石一斗草一千二百零一束

堡栢林備禦官軍五百六十員名馬一百九十五匹

糧料三千八百一十一石九斗草三萬六千一百十三

束

新安營備禦官軍一千四百四員名馬七百八十二

匹糧料一千石草六千束

龍州堡備禦官軍五百七十二員名馬三百七十七

匹糧料二千七百七十四石一斗草一百二十一束

鎮靖堡備禦官軍一千八十七員名馬五百零五匹

遼寧苑  
三卷  
榆林邊圖攷  
四十一  
見上

糧料二千七百石草一萬七千九百四十五束

靖邊營備禦官軍九百七十六員名馬五百三十五

匹糧料一萬九千二百六十七石草一萬七千九百

四十五束

寧邊營備禦官軍九百八十三員名馬五百七十四

糧料二千三百二十八石四斗草二萬九千九百二

十四束

把都堡備禦官軍六百二十二員名馬三百二十五

匹糧料五千八百石草八千二百九十束

永濟堡備禦官軍七百零三員名馬三百零三匹糧

料六百七十石六斗草一萬四千一百八十八束

舊安營備禦官軍九百五十四員名馬四百六十六

匹糧料六百石草一萬五千二百束

新興堡備禦官軍三百八十四員名馬八十九匹糧

料三千三百八十四石七斗草八千束

滂池堡備禦官軍四百二十六員名馬一百九十五



遼東 三卷 四十一 勸示  
匹糧料六十二石三斗草九十六束

三山堡備禦官軍三百二十員名馬二百五十四匹

糧料二千二百七十八石七斗草一百四十六束

饒陽堡備禦官軍一百八十八員名馬一百八十八

匹糧料六百二十五石草三千八百三十五束

定遼營備禦官軍八百四十四員名馬四百四十三

匹糧料五千八百石草三萬八千二百八十二束



鹽場備禦官軍一百二十五員名馬一百一十八匹

草三千束


遼東攻經國雄略卷之三終

遼東攻

榆林邊圖攷



第...



...

...

...

...

